

交通安全愛注意

逐家平安食百二

A：(唱)十字路口青紅燈，注意看，分乎清，青燈趕緊行，  
紅燈愛暫停。

B：唷!心情袂耷呵!歡喜佢會唱山歌。

A：唉!無講你毋知，其實我心情是真正壞。

B：無是發生啥代誌?

A：我問你，咱班最近逐家攞咧時行啥?

B：查某囡仔時行七號籤仔店的『hello kitty』，查埔囡仔  
時行『遊戲王卡』。

A：你甘知影阮兜時行啥?

B：這我就較無了解。

A：時行這啦!(對袋仔提出一疊紅單)

B：阿娘喂!歸疊紅記記，這聲價值袂少錢。無是啥物代誌予  
恁這想袂開?

A：阮阿爸彼日仔買一台嬌噹噹的『捷安特』有孝我這個寶  
貝仔囡。

B：你一定是前世燒好香，才會摸著門圈(khian)來出世。有  
騎去佢命莫?

A：平時我阿爸攞駛彼台一隻貓仔佇高速公路較(kah)車，

人講：老虎袂生出狗仔囡，我嘛想欲試看覓！

B：你—你騎跣踏車上高速公路！

A：我當咧享受逐台車對我邊仔帶過去的刺激，無想著戴帽仔先生就出現啊！伊佢我講：弟弟！我做前，你綴後，好禮仔行，毋通偏對車道去。

B：喔！袂標嘛！親像總統全款有『前導車』佢你焜路。

A：一落交流道就予人請去警察局淋咖啡。

B：哇！待遇這好。

A：好啥物！我阿爸、阿母予人叫來罵，順煞將這張來領回。

B：「車路使用錯誤」，罰金 3000 箍。唉！了錢學經驗，是講賭的彼幾張----？

A：我阿爸最近佢人咧「林來瘋」，半暝毋睏看比賽，透早才跣袂起來。

B：遲到會予頭家罵！

A：就按呢，伊一輪駛 30，四輪駛 120，毋管青燈抑紅燈，倒彎正幹攞無停。無想著，路口雄雄一个阿婆行出來，我阿爸緊踏擋仔落車關心，煞看歸塗跣的腸仔---。

B：啊！害啊！害啊！超速、拚紅燈閣拚死----！

A：呸！呸！呸！是阿婆買的豬腸仔落佢歸塗跣啦！

B：好咧佳哉！

A：佳哉啥，警察隨到位，煞落去就是這張---

B：超速 70 公里，罰 8000 箍！

A：閣有這張---

B：揸紅燈，罰 2700 箍！

A：人若衰，種瓠仔著生菜瓜。

B：恁是「七月半鴨仔，毋知死活。」我佢你搵搵咧，總仔共是一萬三千---。(提計算機出來)

A：這種落氣代莫閣講啊！

B：若驚落氣著愛改！

A：所以講矣！逐家用路愛細膩，出門平安才歡喜。

B：車路親像是老虎，千萬毋通烏白從。

A：紅燈愛停青燈行，遵守規則心就定。

B：駛車毋通淋燒酒，性命財產會永久。

A：交通安全愛注意，

B：逐家平安食百二。

A、B：答喙鼓講到遮，落台行禮。